



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- SREDSTVIMA JAVNOG INFORMISANJA/MEDIJIMA
- SLUŽBI ZA ZAJEDNIČKE POSLOVE
- MINISTARSTVU UNUTRAŠNJIH POSLOVA

Broj: 01-01-15081-1/20
Zenica, 07.09.2020. godine

PROTOKOL
ZA ODRŽAVANJE 26. SJEDNICE SKUPŠTINE ZENIČKO-DOBOJSKOG KANTONA
ZAKAZANE ZA DAN 14.09.2020. GODINE U 10:00 SATI
U SALI/DVORANI 301 III SPRAT ANEX-A ZGRADE SJEDIŠTA KANTONA

S obzirom na činjenicu da se i 26. sjednica Skupštine održava u vrijeme pandemije corona virusa, te shodno Naredbi Federalnog ministarstva zdravstva br. 01-33-3997/20, od 13. jula 2020. godine, koja je stupila na snagu 17. jula 2020. godine, a kojom je proglašena epidemije zarazne bolesti COVID-19 za ugroženo područje, teritoriju Federacije BiH, a postupajući i po drugim važećim Naredbama i Preporukama Kriznog štaba Federalnog ministarstva zdravstva, 26. sjednica Skupštine Zeničko-dobojskog kantona, zakazana za dan **14.09.2020. godine (ponedjeljak) u 10:00 sati**, u sali/dvorani 301 III sprat Anex-a zgrade sjedišta Kantona, će se održati uz obavezno poštivanje i striktno pridržavanje slijedećih epidemioloških mjera:

1. Na dan održavanja sjednice Skupštine (najmanje 2 sata prije početka sjednice) izvršiti obaveznu dezinfekciju sale 301, u kojoj će se održati sjednica Skupštine, (uključujući sve stolove, stolice, govornicu i druge površine), te provjetranje navedene prostorije prije i tokom trajanja sjednice, otvaranjem prozora, (**bez uključivanja klima uređaja**), kao i obezbjeđivanje dezinfekcionog sredstva na ulazu u salu 301, (što su dužni obezbijediti i vršiti nadležne osobe Službe za zajedničke poslove), kako bi svi učesnici sjednice prilikom ulaska u salu izvršili dezinfekciju ruku.
2. Svi poslanici/zastupnici Skupštine Kantona će biti dužni da se prilikom ulaska u zgradu, na prijavnici, podvrgnu mjerenju tjelesne temperature, što će vršiti nadležni zaposlenici Službe za zajedničke poslove.
3. Svi poslanici/zastupnici Skupštine Kantona, prilikom ulaska u zgradu Kantona radi dolaska na sjednicu Skupštine i tokom cijelog održavanja sjednice Skupštine, dužni su imati ličnu/osobnu zaštitnu opremu (zaštitnu masku za lice).
4. Premijer Kantona i ostali članovi Vlade Kantona, te sva druga prisutna lica na sjednici Skupštine, moraju na sebi imati ličnu/osobnu zaštitnu opremu (zaštitnu masku za lice).
5. Oni poslanici/zastupnici Skupštine Kantona, kao i ostali učesnici sjednice, koji imaju bilo kakvu (i najmanju), sumnju u svoju eventualnu zaraženost corona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na sjednicu Skupštine, a svoje odsustvo su dužni najaviti predsjedavajućem Skupštine.
6. Sjednici Skupštine, u sali 301, moći će prisustvovati predstavnici sredstava informisanja/medija i to na način, da u sali, na mjestu predviđenom za medije mogu biti prisutna samo dva predstavnika sredstava informisanja/medija, s tim što se međusobnim dogovorom mogu mijenjati, a ostali predstavnici sredstava informisanja/medija mogu da borave ispred sale 301. **Izjave za medije će se moći uzimati samo na mjestu predviđenom za tu svrhu ispred sale Skupštine.**

7. Svi poslanici/zastupnici Skupštine Kantona će u sali 301, (u kojoj će se održati sjednica Skupštine,) sjediti na prethodno označenim mjestima sa njihovim imenima i prezimenima, prema uputama nadležnih zaposlenika Stručne službe Skupštine, između kojih će biti razmak od minimalno 2 metra, što se mora poštovati tokom cijelog trajanja sjednice Skupštine.
8. Tokom cijelog održavanja sjednice Skupštine svi učesnici na sjednici, moraju poštovati mjeru socijalne distance odnosno obaveznog razmaka između osoba od minimalno 2 metra, (što znači da ne smiju prilaziti jedni drugima), te korištenje lične zaštitne opreme, (obavezno nošenje zaštitnih maski za lice), te se ne smiju rukovati.
9. Prije i tokom cijelog održavanja sjednice Skupštine nadležni zaposlenici Službe za zajedničke poslove su dužni da **u Sali 301 obezbijede posluživanje samo flaširanim bezalkoholnim pićima (flaširanom vodom/mineralnom vodom, sokovima)**, kao jedna od zaštitnih mjera sprečavanja potencijalno mogućeg izvora zaraze i njenog potencijalno mogućeg prenošenja. **U tom cilju na svim stolovima u Sali 301 biće postavljene flaše sa vodom, a u holu ispred Sale 301 na stolu biće postavljena voda i ostala flaširana bezalkoholna pića (mineralna voda i sokovi).**
10. Nakon završetka sjednice, prilikom izlaska iz sale, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
11. Svi učesnici sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVALAČI

Ćazim Huskić, s.r.

DOSTAVLJENO:

1 x Naslovu

1 x U spis predmeta **26. sjednice Skupštine/05-03**